





類說目錄卷之二十五

炙轂子

容成氏

心小而志大

見古觀景

君子禁微

鳥窮

會嵇竹箭

十月而生

神化

良醫活人

鵲巢獺穴

周公治魯太公治齊

九野

嫦娥

黃龍負舟



金滕豹韜

臯陶瘖

一彈一徽

有餘

人可以微言乎

東家西家

汗漫期于九垓

兩蛟挾船

猩猩乾鵠

乘船遇風

酒濁其神

懼揜其氣

祭井竈等神

受秋駕

貴所有賤所短

人性

三勢二權

慎無為善

治無病之病

行合趣同

引重持輕

雞跖

以小明大以近論遠

沐髮

遺腹子

燕賀

魚無耳蟬無口

哭達泣絲

鬼神

三危

掘藏有殃

禍福

九賢千歲一出

扁鵲



英俊豪傑

由基神射

論將

玉泉子

稜等登科

王老

驢鳴狗吠

點鬼部算博士

一义手一韻成

九釘盤

百合草履

大帽子

席帽

金銀器皿

角琴

髻名

膩粉

水芝

燕雀名

鷄五德

嘯十五章

科第放此風漢

金華子

來蕪隊舞

泥看街樓

亞相辱臺

點頭崔家

杜牧改名

阿武婆阿婆舞

龜寶

李郢詩云

面部三無

孤進還丹



龍王誅水族

彭祖死

淮南子

自然之勢

所好為禍

共工觸不周山

兵強則滅

病化為虎

類說目錄卷之二十五

類說卷之二十五

宋温陵曾

慥編

明新野馬之騏參閱

山陽岳鍾秀訂正

炙轂子

容成氏

容成氏之時道路鴈行列處託嬰兒於巢上

置餘糧於晦首虎豹可尾虺蛇可躐至堯時

弄誅鑿齒獸

殺九嬰

斷脩蛇禹

射十日繳大風萬民皆喜置堯為天子



晚世桀爲璇室瑤臺象廊玉牀紂爲肉圃酒池湯放桀武王伐紂

神化

太上神化其次不得爲非其次賞賢而伐暴心小而志大

心欲小而志欲大智欲圓而行欲方能欲多而事欲鮮

良醫活人

天雄鳥喙藥之凶毒也良醫以活人侏儒瞽

師人之困憊也人主以備樂舜不降席而天下治桀不下陛而天下亂

見舌觀景

老子學商容見舌而知守柔矣列子學壺子觀景柱而知持後矣

鵲巢鵝穴

鵲巢知風之所起鵝穴知水之高下暉日知晏陽諧知雨

君子禁微



積羽沉舟群輕折輕故君子禁於微

周公治魯太公治齊

太公問周公何以治魯曰尊尊親親太公曰  
魯從此弱矣周公問曰何以治齊太公曰舉  
賢而上功周公曰後世必有劫殺之君其後  
齊日大至於霸二十四世而田氏代之魯日  
益削至三十二世而亡

鳥窮

諺曰鳥窮則啄獸窮則角人窮則詐

九野

何謂九野中央曰鈞天東曰蒼野南曰蠻天  
北曰玄天西北曰幽天西曰昊天西南曰朱  
天南曰炎天東南曰陽天

會稽竹箭

梁山 犀象華山金石顧山珠玉幽都觴角

嫦娥

昇請不老之藥於西王母嫦娥竊以奔月  
十月而生



精神受於天形體稟於地一月而膏二月而  
 朕三月而胎四月而肌五月而舐六月而骨  
 七月而成八月而動九月而躁十月而生  
 黃龍負舟

禹省方濟于江黃龍負舟舟中之人五色無  
 主禹笑曰我受命於天生寄也死歸也何足  
 以滑和視龍尤蠓蜒龍乃弭耳掉尾而退

金滕豹韜

通許由之論金滕豹韜廢矣延陵季子不受

吳國而訟間田者慚矣金滕豹韜周公太公  
 隱謀圖土之書也

臯陶瘖

臯陶瘖而為大理天下無冤刑師曠瞽而為

太宰晉無亂 政

一彈一微

榮啓期一彈而孔子三日樂感乎和鄒志一  
 微而威王終夕悲感于憂

有餘



類詩 卷之二十一 四  
饒求火莫不與者所饒足也林中不賣薪湖  
上不鬻魚所有餘也

人可以微言乎

白公問孔子曰人可以微言乎若山投水中  
如何曰善沒者能取之矣曰以水投水如何  
曰淄澠之水合易牙嘗而知之矣

東家西家

超舍禮俗猶室家之居東家謂之西家西家  
謂之東家雖臯陶之禮不能處

汗漫期于九垓

盧敖遊北海見一士深目而玄髮淚注而鳶  
肩豐上而殺下見敖下其臂方居龜殼而食  
蛤蜊敖曰子可與敖爲友乎若士笑曰吾與  
汗漫期于九垓之外舉臂竦身入雲中

兩蛟挾船

荆有飲飛渡江至中流陽侯之波兩蛟挾船  
飲飛拔劍曰武士可以仁義說也不可劫而  
奪也此江中之腐骨朽肉秉劍而赴江刺蛟



類言 卷之三 五  
斷其頭船中人盡活

猩猩乾鵠

猩猩知往而不知來乾鵠知來而不知往猩猩知人姓字此知往也醉以擒身此不知來者乾鵠鵠也人有來則鳴此知來也知歲多風巢於木枝人皆探其卵故曰不知往也

乘船遇風

楚人有乘船遇大風者波至自投於水非不貪生而畏死也惑於恐死而反忘生也人之

嗜欲亦猶此爾

酒濁其神

醉者俛而入城門以爲七尺之閨超江淮以爲尋常之瀆酒濁其神也

懼揜其氣

怯者夜見立表以爲鬼見寢石以爲虎懼揜其氣也

祭井竈等神

今世祭井竈門戶箕帚臼杵者非以其神爲



能享之也懼頹其德煩苦之無已也

受秋駕

尹儒學御三年中夜夢受秋駕於師明日朝師師曰今日將教子秋駕儒曰臣有大幸今夕故夢受之

貴所有賤所短

王子慶忌死於劔羿死於桃棗子路醢於衛蘓秦死於齊莫不貴其所有賤其所短

人性

凡人之性少則猖狂壯則暴強老則好利

三勢二權

將有三勢二權將克勇而輕敵卒果敢而樂戰此為氣勢一人守隘千人弗過此謂地勢因其怠亂擠其揭揭此謂因勢善用間謀出於不意此謂知權陳卒正前傷敵者眾此謂事權

慎無為善

人有嫁女子曰爾行矣慎無為善曰將為不



善耶曰善且弗爲况不善乎

治無病之病

良醫者常治無病之病故無病聖人常治無患之患故無患

行合趣同

因媒而嫁不因媒而成因人而交不因人而親行合趣同千里相從趣不合行不同對門不通

引重持輕

寧百刺以針無一刺以刀寧一引重無久持輕寧一月饑無一旬餓

雞跡

天下無粹白狐而有粹白之裘掇之衆白也善學者若齊王食雞必食其跡

以小明大以近論遠

嘗一臠肉知一鑊之味懸一羽炭知燥濕之氣以小明大也見一落葉知歲之將暮睹瓶中冰知天下之寒以近論遠也



皆不宜言

祭之日而言狗生取婦之日而言衰麻置酒之日而言上塚渡江河而言陽侯之波皆不宜也

沐髮

沐者墮髮猶爲之不止所去者少所利者多遺腹子

不思其父無見於心也不夢見像無形於目也燕賀

湯沐具而蟣虱相吊大厦成而燕雀相賀

魚無耳蟬無口

兔絲無根而生蛇無足而行魚無耳而聽蟬無口而鳴

哭達泣絲

楊子見達路而哭爲其可以南可以北墨子見練絲而泣爲其可以黃可以黑

鬼神

炎帝於火死而爲竈禹勞天下死而爲社后稷



作稼穡而死為稷昇除天下之害死為宗布此鬼神之所以立

三危

天下有三危少德多寵一也才下位高二也身無大功而有厚祿三也

掘藏有殃

再實之木其根必傷掘藏之家必有殃

禍福

有陰德者必有陽報有陰行者必有昭名宋

人好善家無故黑牛生白犢父子無故而盲

其後楚攻宋丁壯者死老幼皆上城城破皆

屠之獨父子盲得無乘城圍解則父子俱視

塞上有善術者馬無故而亡入胡其父曰何

遽不為福乎數月馬歸父曰何遽不為禍乎

其子好騎而折髀人弔之父曰何遽不為福

乎居一年胡人入塞丁壯引弦而戰死十九

獨以跛故父子相保

九賢千歲一出



堯眉八采九竅通洞一言而萬民齊舜二瞳  
子是謂重明禹耳滲漏是謂大通文王四乳  
是謂大仁臯陶馬喙是謂至信禹生於石契  
生於卯史皇產而能書羿左臂脩而善射此  
九賢千歲一出

扁鵲

所貴者非貴其隨病調藥貴其摩息脉血知  
疾之所從生也所貴聖人者非貴其隨罪監  
刑貴其知亂之所起

英俊豪傑

才過萬人謂之英千人謂之俊百人謂之豪  
十人謂之傑

由基神射

楚王獵見白猿射之猿善避箭莫能中乃命  
養由基射方執弓猿乃抱樹而號始知由基  
神射也

論將

將有三隊四義五行十守三隊者上知天道



下習地形中察人情四義者便國不負兵爲  
主不顧身見難不畏死決疑不辟罪五行者  
柔不可卷剛不可折仁不可犯信不可惑勇  
不可凌十守者神清謀遠操固知明不食於  
貨不淫於物不嗑於神不推於方不可喜不  
可怒國不可從外治軍不可從中御也

玉泉子

稜等登科

故事放榜畢旅謝時宰榜首致詞有丁稜者

語吃欲言稜等登科趨前連聲曰稜等登竟  
不成語而退

王老

王元寶富厚以錢文如其名因呼錢爲王老

驢鳴狗吠

庾信自南朝至北方惟愛温子昇所作韓山  
寺碑或問信北方何如曰唯韓山寺一片石  
堪共語餘若驢鳴狗吠

點鬼部算博士



王楊盧駱有文名人議其疵曰楊好用古人姓名謂之點鬼薄駱好用數對謂之算博士一义手一韻成

温庭筠文思敏妙李義山嘗得句云遠比趙公三十六年宰輔温對曰近同郭令二十四考中書温每作賦一义手一韻成令狐綯多託爲文惡其漏語踈之温謗曰中書豈坐將軍處耶譏其不學也

九釘盤

唐御厨進饌用九盤裝累名九釘盤

百合草履

大曆中進五朶草履中間進百合草履

大帽子

本野老之服後魏戴之唐初以紗縠爲之以

隔風 埃

席帽

本羗服以羊毛爲之秦漢鞞以故席女人亦戴之四緣垂網子飾以珠翠謂之席帽煬帝



幸江都御紫雲樓觀市欲見女人姿容詔令去網子

金銀器皿

夏商始用金銀器皿

角弩

夷牟置角弩馬上用之步敵則木弩漢軍有八斗弩以射楚營矢及十里

髻名

髻者繼也女子必有繼於人女媧氏以羊毛

繩之向後繫之以荆木竹爲之笄貫髮赫連氏造梳二十四齒取踈通之義堯舜以銅爲笄舜加女人首飾釵梳雜以象牙玳瑁爲之間以玉髻上加朱翠翹花傳之鉛粉其商髻名鳳髻又有雲髻加之步步而搖故曰步搖始皇宮中梳望仙髻漢宮有迎春髻漢武時諸仙從王母下降皆梳飛仙髻盤龍髻貫以鳳首釵孔雀搔頭雲頭篋掃八字眉漢明帝宮人梳百合分稍髻同心髻掃青黛蛾眉魏



武宮人掃連頭眉晉惠帝宮人梳芙蓉髻通  
 草五色花子掃黑墨眉一畫連心細長曰仙  
 蛾粧隋文華宮中梳九貞髻唐武德中梳平  
 蕃髻長樂髻開化中梳雙鬟望仙髻貞元作  
 偏髻子

膩粉

秦穆公女弄玉善吹簫嬾降於宮掖鍊飛靈  
 丹第一轉與弄玉塗之名曰粉今之水銀膩  
 粉也燕脂本闕氏夫人以紅花為之中國人

呼紅藍

水芝

蓮花一名水芝一名水華芙蓉鷄頭也一名鴈  
 頭

燕雀名

鷺一名天女螿鳥又曰玄鳥又曰乙昔娥得  
 燕卵吞之生商子姓後以乙為孔字雀一名  
 嘉賓言集人家屋如賓客

鷄五德



類言 卷之二十五  
雞一名獨夜一名司晨有五德頭有冠象文足  
有距象武遇敵則鬪象勇得食相呼象義鳴  
不失時象信

嘯十五章

孫康著嘯旨一篇云嘯有十五章一曰權與  
二曰流雲三曰深溪四曰高蟬五曰空林鬼  
六曰巫峽猿七曰下鴻鵠八曰古木鳶九曰  
龍吟十曰地動十一曰蘓門十二曰劉公命  
鬼十三曰阮氏逸韻十四曰正章十五曰畢

章

科第放此風漢

劉蕢楊嗣復門士也按唐登科記寶曆二年  
楊嗣復放三十五人裴休等時蕢第十五試  
齊魯會于夾谷賦晦日與同志昆明池泛舟  
詩及第策直言中官嫉怒仇士良謂嗣復曰  
奈何以國家科第放此風漢及第耶嗣復懼  
曰昔與蕢及第時猶未風耳

金華子

唐劉崇遠



來蘓隊舞

杜邠公守揚州耽於游宴宣宗除崔鉉爲代以詩送之曰一方獄市獲來蘓揚州押衙傳希聞御詩卽教習來蘓隊舞以迎崔公杜頗銜之致政歸洛每遇維揚人必問曰來蘓健否謂傳希也

泥看街樓

李景讓爲御史大夫大臣貴戚有看街樓皆泥之畏其糾彈

亞相辱臺

御史大夫謂之亞相舊說除亞相百日内有人大拜卽謂之辱臺

點頭崔家

崔雍兄弟八人皆登進士列甲乙科時號點頭崔

家

杜牧改名

杜牧夢人曰爾改名畢未幾而卒

阿武婆阿婆舞



鄭僂出妓以宴趙紳而舞者年已長伶人獻  
口號云相公經文復經武常侍好今兼好古  
昔日曾聞阿武婆如今却見阿婆舞

龜寶

徐太尉彥若赴廣南渡小海於淺水中得一  
琉璃瓶中有一龜及寸旋轉不停而瓶口極  
細不知何自而入夜半覺船偏重視之則羣  
龜重疊登舟遶其瓶徐懼而棄之後問船主  
云此名龜寶

李郢詩云

江風徹曙不成睡二十五聲秋點長

面部三無

李寬常侍有門下士姓盧善相云李公面部  
所無者三無子無宅無家公有數子皆先公  
卒有宅在鄉未嘗得歸死于他州乘其舟而  
歸舟覆沉其骨

孤進還丹

許棠晚年登第嘗曰自衛一第筋骨輕健愈



於少年則知一名乃孤進之還丹

龍王誅水族

艾子避于海夜聞哭聲曰昨日龍王有令應水族有尾者斬吾龜也故懼誅而哭又聞哭聲曰汝蝦蟆無尾何哭曰吾今幸無尾但恐便理會蝌蚪時事也

彭祖死

艾子見老姥衣衰麓之服哭甚哀艾子曰姬夫誰也曰彭祖艾子曰彭祖壽八百而死固

不爲短可以無恨姬曰吾夫壽八百誠無恨然又有壽九百而不死者豈不恨耶

淮南子

自然之勢

兩木相摩而然金火相守而流圓者常轉窾者常浮自然之勢也

所好爲禍

善遊者溺善騎者墮各以所好反爲自禍其工觸不周山



其工之力觸不周之山使地東南傾與高辛  
爭為帝遂潛于淵越王翳空山越人熏而出  
之

兵強則滅

兵強則滅木強則折革堅則裂齒堅則先舌  
而敵柔弱者生之幹堅強者死之徒

病化為虎

牛哀轉病七日化為虎其兄入覘之虎搏殺  
之

類說卷之二十五 終

類說目錄卷之二十六

國史纂異

暗中摸索

玉樹

靈運鬚

北斗化為七僧

望省樓

國史補

王維竊人詩句

擅場

都盧緣撞歌

大蟲老鼠

登華山頂

准勅惡詩



宰相無德

巫支奇

天堂地獄

麻姑送酒

蛇酒治風

熱風

筆塚

簡則易直則同

元和體

西幸免租稅

婦翁與女婿

裴旻遇真虎

碧落碑

襪而登塔

祿山歎馬嵬

李光弼領兵

出家大丈夫事

隴西李禎

官猪為惡

于公易露布

埋懷村

佛汗

畫鵬

伐兩京道槐

羨江西

上不疑我

王言不存私家

五福太乙

劉闢吞人

心疾

唐衢善哭

京兆尹三員

叱僧

毬場生草

柳有三脫

醫道將行



賣藥宋清

白麥麵

烙黃浸黃

沙堤火城

堂案

堂老

僕射乘馬入省

吏部省眼

蕭齋

蓮花漏

待漏院

婦人之貴

致仕制

量頸為枷

爭為碑誌

崔昭行賄

白袍子紛紛

先頒試題

第果實名

宋五坦率

蛟龍吹笛

秋夜吹笛

彈五絃

相府蓮

銀鹿

下馬陵

詼諧等著名

刺客

虜帳烹茶

舶鴿

妻報父冤

烘堂

讀書不如寫字

烏絲欄紙

彈琴知音

沉沉聲



博經

窮兵獨舞

功德山

釵鏤王家

四軍紫

雷狀如癡

蚊母鳥

流桂泉

傷荷藕

後史補

桑落酒

清河黃

判雜職

詩窖子

黃居難

杜荀鶴

五代史補

文面

楊風子

沒了期

十德啓

牡丹詩

浮石成仙

得得和尚

莊宗撰詞

雀鼠耗

秋日晚望詩

一眼胡奴

謝魚箋

用桔槔打淚不出

隨狀納命

骰子分兒女

月沉湘浦



銀葉護井

九州歌

拔釘錢

竹枝畫牛背

一字師

武一谷

劫墓賊

旋月偃月

水草大王

賊頭

謬作梁山

無寸道

遶殿雷

鵝生四掌驚着兩裙

十二時中兩度潮

好膏藥

類說目錄卷之二十六 終

類說卷之二十六

宋温陵曾

慥編

明 新野馬之騏參閱

山陽岳鍾秀訂正

國史纂異

暗中摸索

許敬宗性輕見人多忘之乃曰卿自難記若  
遇劉沈曹謝暗中摸索亦可識

玉樹

雲陽縣多漢離宮故事有樹似槐而葉細土



人悉謂之玉樹楊雄甘泉賦云玉樹青葱而  
左思以爲假稱瑯怪者非實也似之而已

### 靈運鬚

謝靈運美鬚臨刑施南海祇園寺爲維摩詰  
鬚寺中寶惜中宗時安樂公主五日闢百草  
遣人取之仍剪棄其餘

### 北斗化爲七僧

李淳風奏北斗七星官化爲人明日至西市  
飲酒使人候之有七人共飲二石太宗遣人

召之七人笑曰此必李淳風小兒言我也忽  
不見

### 望省樓

崔日知恨不居八座爲太常卿起樓與尚書  
省相對人謂崔公望省樓

### 國史補

### 王維竊人詩句

王維好佛故字摩詰性致高遠得宋之問輞  
川別業山水絕勝今清涼寺是也維有詩名



然好竊人詩句如行到水窮處坐看雲起時  
英華集中詩也漠漠水田飛白露陰陰夏木  
轉黃鸝李嘉祐詩也

擅場

唐人燕集必賦詩推一人擅場部曖尚升平  
公主盛集李端擅場送劉相巡江淮錢起擅  
場

都盧緣撞歌

元載久擅權客有爲都盧緣撞歌述其危殆

以諷之載覽之泣下

大虫老鼠

陸長源以舊德爲宣武行軍司馬韓愈爲巡  
官同任使局或譏其年輩相懸愈曰大虫老  
鼠俱爲十二相屬何相懸之有

登華山頂

韓退之好奇與客登華山絕峯不可返發狂  
大慟華陰令百計取之得下

淮勅惡詩



類詩 卷之二十六  
德宗晚年詩頗工杜太保在淮南進崔叔清  
詩百篇帝曰此惡詩何用進時謂淮勅惡詩  
宰相無德

郝昂與韋陟友善因話國朝宰相陟曰誰最  
無德昂曰韋安石也已而驚走出逢吉溫溫  
問何此蒼黃答曰適與韋尚書話宰相最無  
德者欲言吉頊誤言韋安石旣而鞭馬又走  
抵房相之第瑄執手問慰之復以房融爲對  
昂一日三犯人惟韋陟遂與之絕

巫支奇

楚州有漁者淮中釣得古鑠不絕刺史李湯  
大集人力引之鑠窮有獼猴躍出復沒後驗  
山海經云水獸好爲害禹鑠之名巫支奇

天堂地獄

李舟曰釋迦生中國設教如周孔周孔生西  
方設教如釋迦天堂無則已有則君子登地  
獄無則已有則小人入

麻姑送酒



李泌以虛誕自任嘗對客曰令家人洒掃今夜洪崖先生來有人遺美酒會有客至乃曰麻姑送酒來與君同傾未畢門者云某侍郎取榼子泌命倒還略無忤色

蛇酒治風

李舟之弟患風或云蛇酒治風乃求黑蛇生置甕中醞以麴蘖數日蛇聲不絕及熟香氣酷烈引滿而飲斯須化爲水惟毛髮存焉

熱風

鄭雲逵與王彥伯隣居嘗有客求醫誤謁雲逵診候曰熱風頗甚客怪人謂藥方不如東家王供奉客驚走自是有乖議者卽云熱風

筆塚

長沙僧懷素好草書自言得草書三昧棄筆堆積埋山下號筆塚

簡則易直則同

羅浮王生人問爲政難易生曰簡則易又問



類言 卷之二十六 五  
儒釋同道否曰直則同

元和體

元和之後文章學奇於韓愈學澁於樊宗師  
歌行則學放於張籍詩則矯激於孟郊學淺  
於白居易學淫靡於元稹俱名元和體大抵  
天寶之風尚實大曆之風尚浮真元之風尚  
蕩元和之風尚怪也

西幸免租稅

明皇欲西幸裴輝卿張九齡諫曰百姓場圃

未畢李林甫曰二京陛下東西宮也馬用擇  
時如妨刈穫獨可蠲免泂路租稅上大悅卽  
日西幸長安旬日張裴俱罷而牛仙客進焉  
婦翁與女婿

張珀張琬俱在翰林珀以尚主獨賜玳瑁  
曰此婦翁與女婿非天子賜學士也

裴旻遇真虎

旻守北平地多虎旻善射一日斃三十余虎  
老父曰此彪也似虎而非旻曰真虎安在父



類言 卷之二十一 六  
曰北去有之旻躍馬而往叢簿有虎躍出小  
而驚猛一吼山石震動旻人馬辟易弓矢墜  
幾不免自是不復射

### 碧落碑

絳州有碑篆字與古文不同上有碧落二字  
人謂之碧落碑

### 襪而登階

韋陟有疾房尚書使子弟問之卧内悉籍茵  
毯襪而登階侍婢皆笑

### 祿山歎馬嵬

安祿山聞楊妃馬嵬之死數日歎惋林甫養  
育之國忠激怒之然其他腸有所自也

### 李光弼領兵

鄯汾陽自河湯入李太尉代領其兵舊營壘  
也舊士卒也舊旗幟也光弼一號令而精采  
皆變

### 出家大丈夫事

崔趙公問徑山曰弟子出家否答曰出家大



類言 卷之二十七  
七  
丈夫事非將相所爲

隴西李禎

嘗以爵位不如族望官至制史與人書唯稱隴西李禎

官猪爲患

盧杞除虢州刺史奏言虢有官猪數千頗爲人患上曰移於沙苑何如對曰同州豈非陛下百姓爲患一也無用之物與人食之爲便德宗曰卿理虢州憂他處百姓宰相材也由

是有意用杞

于公易露布

德宗覽收京城露布至臣肅清宮禁祇謁陵園鐘簾不移廟貌如故感涕失聲露布于公易之詞也公易後爲陸贄所忌誣以家行不至賜孝經一卷坎壈而朝野惜之

埋懷村

馬燧討李懷光引兵下營問其地名埋懷村喜曰擒賊必矣果然



佛汗

汴州相國寺言佛有汗劉玄佐自持金帛以  
施復起齋場士庶競集輸施唯恐不及所得  
數萬以贍軍

畫鵬

裴延齡恃恩輕躁顧少連畫一鵬群鳥噪之  
以獻上上知衆怒竟不大用

伐兩京道槐

真元中度艾欲取兩京道槐樹爲薪渭南尉

張造答曰召伯所憇尚勿剪除先皇舊游豈  
宜斫伐乃止

羨西江

陸羽少事竟陵禪師師去世作寄情云不羨  
白玉盞不羨黃金壘亦不羨朝入省亦不羨  
暮入臺千羨萬羨西江水曾向竟陵城下來  
上不疑我

德宗自復宮闕常恐生事姑息藩鎮唯渾令  
公奏事不遂喜曰上不疑我



類說 卷之二十一  
王言不存私家

高真公爲中書舍人家無制草曰王言不可存於私家

五福太乙

元和中陰陽家言五福太一在蜀故劉闢造五福樓符載爲記曰耳聞天語目視鳥背

劉闢吞人

劉闢初患心疾人自外至輒欲吞之同府崔佐時肥碩闢據地而吞

心疾

韋緩李蟠俱以心疾廢韋常疑遇毒鑠井而飲李益少而疑病亦心疾也心靈府也爲外物所中終身不痊多思慮多疑惑病之本也

唐衢善哭

唐衢老而無成善哭音調哀切聞者泣下太原享軍酒酣乃哭滿坐不樂主人爲之罷宴京兆尹三員



類談 卷之二十六 十  
憲宗久親政事忽問京兆尹有幾員李吉甫  
對京兆尹三員一員大尹二員少尹人以爲  
善對

叱僧

韋貫之爲右丞內僧廣宣造門曰閣下不久  
拜相貫之叱曰安得不軌之言命筆草奏僧  
惶恐而去

球場生草

憲宗問趙宗儒曰人言卿在荊州球場生草

何也對曰草生不妨毬子上笑

枷有三脫

王悅爲鑿屋鎮將軍士犯禁枷之百日乃脫  
未及百日而脫者有三我死則脫爾死則脫  
天子之命則脫由是秋毫不犯

醫道將行

王彥伯醫道將行者煮藥於庭老幼塞門彥伯  
指曰熱者飲此寒者飲此氣者飲此翌日各  
持金帛來酬取之無不效者



賣藥宋清

宋清賣藥長安市朝官出入移貶輒買藥遺送貧士請藥常多折券人有急難傾救之歲計所入亦百倍故長安稱有義曰賣藥宋清白麥麵

竇氏盛時有奴厚歛群從之資供白麥麵醫云白麥性平由是恣食未嘗疾後有告奴所輸乃常麥群從一時暴熱皆作

烙黃浸黃

故老云五十年多患熱黃坊曲舊有大開其門以烙黃爲業者灞漚水中嘗有晝坐至暮謂之浸黃近代悉無而患腰脚疑茶所爲也沙堤火城

凡拜相禮絕班行自子城東至府第載沙填路名曰沙堤或百僚問疾有司設幕次排班元日冬至立秋百官皆備珂傘列燭至五六百炬謂之火城宰相將至火城皆撲滅以避之



堂案

宰相判事有堂案處分百司曰堂帖以次押名曰花押黃勅既下有小異同曰帖堂

堂老

宰相相呼曰堂老兩省相呼爲閣老丞郎相呼曰曹長郎中員外御史遺備相呼爲院長御史相呼爲端公

僕射乘馬入省

南省故事左右僕射上宰相送御史捧案員

外郎捧筆殿中侍御史押門自丞郎御史中丞皆受拜朝論以爲比肩事主儀註大重元和以後悉去舊禮唯乘馬入省門如故

吏部爲省眼

禮部爲南省舍人考功度支爲振行比部謂廊下食以飯從者號比盤二十四曹呼左右司爲都官省中語曰後行祠部不博中行都門中行刑戶不博前行駕庫

蕭齋

頤悅

卷之二十一

七



梁武帝造寺令蕭子雲飛白大書蕭字至今  
一字存焉李約竭產自江淮買歸東洛建一  
室以翫之號爲蕭齋

### 蓮花漏

越僧靈徹取銅葉製器爲蓮花漏置盆水之  
上底孔漏水半之則沉每晝夜十二沉爲行  
道之正節

### 待漏院

舊百官早朝立馬望仙門外宰相於光宅車

坊以避風雨元和初置待漏院

### 婦人之貴

苗夫人其父太師其舅張河東其夫延賞其  
子弘靖其壻韋臯近代婦人之貴無如此者  
致仕制

高貞公致仕制云以年致仕則有前聞近代  
寡廉罕由斯道時杜司徒年過七十無意請  
老裴晉公知舍人以此而譏之

### 量頸爲枷

顏悅

卷之二十一

七



李鈺錡之從弟爲宋州刺史聞錡反狀慟哭  
悉驅妻子奴婢無長幼量頸爲枷自拘於觀  
察使朝廷憫之薄貶而已

爭爲碑誌

長安中爭爲碑若市賈大官薨逝其門如市  
至有喧競不由喪家裴均之子乞銘於韋相  
縑帛花疋貫之曰寧死不苟爲之

崔昭行賄

裴吉云少時姑夫爲朝官有雅望朝退歎曰

崔昭何人衆口稱美此必行賄也如此安得  
不亂言未訖門者報壽州崔郎中候謁姑夫  
怒喝門者將鞭之良久疆出須臾命茶甚急  
又命酒果又令秣馬飼僕吉曰何前倨而後  
恭也及入門有得色乃昭贈官絹千疋  
白袍子紛紛

有客譏宋濟曰近日白袍子何太紛紛濟曰  
由緋袍子紫袍子紛紛化使然也

先頒試題



建中初裴冀曰若使禮部先時頒天下曰某年試某題取某史至期果然亦勤學之一術也

### 第果實名

李直方常第果實名以綠李爲首楞梨爲副櫻桃爲三柑子爲四蒲桃爲五或薦荔枝曰寄舉之首

### 宋五坦率

宋濟老於文場試賦失韻乃撫膺曰宋五又

坦率矣後禮部上甲乙名德宗曰宋五坦率否盧氏雜說少異

### 蛟龍吹笛

李舟得林舍烟竹截以爲笛緊如鐵石以遺李牟牟吹笛天下第一月夜泛舟吹之俄有客呼艇請載既至請吹之其聲清壯山石可裂及入波呼吸盤擗應聲粉碎客或不見疑蛟龍也

### 秋夜吹笛

頊說

卷之二十一

六



李牟秋夜吹笛於瓜州初發調群動皆息及  
數奏微風颯至俄頃舟中賈人有怨歎悲泣  
之聲

彈五弦

趙璧彈五絃曰吾始則心驅之中則神遇之  
終則天隨之浩然眼如耳耳如鼻不知五絃  
之爲璧而璧之爲五絃也

相府蓮

于頔以樂曲有相夫伶其名不雅客曰南朝

相府曾有瑞蓮故號相府蓮後語訛耳

銀鹿

顏峴家僮名銀鹿後事魯公終身

下馬陵

董仲舒墓門人至皆下馬謂之下馬陵語訛  
爲蝦蟆陵也

詼諧等著名

詼諧賀之章輕薄祖詠顛語賀蘭唐詠李蕭  
昕寓言李紓隱語張著機警李舟歇後姚峴



語訛映帶李直方日人曹著

刺客

天下未有兵甲多刺客李勉爲開封尉獄囚有意氣者勉縱而逸之後客遊河北偶見故囚迎歸厚待之告其妻曰此活我者何以報德妻曰千緜可乎曰未二千匹可乎曰未也妻曰不如殺之其僮哀勉密告之乃逸去夜半至津店老父曰此多猛獸何敢夜行勉言其故梁上有人瞥下曰幾誤殺長者乃去赤

明携故囚夫妻二首以示勉

虜帳烹茶

党魯使西蕃烹茶帳中魯曰滌煩消渴所謂茶也蕃人曰我亦有之乃出數品此壽春者此顧渚者此蘄春者

舶鴿

舶舡發海路必養鴿舶沒雖數千里亦能歸其家

妻報父冤



類記 卷之三十六  
真元中長安有娶妻者數年忽不知所之一  
夜提人首至告其夫曰我有父冤故於此今  
報矣請歸涕泣而訣出門如風俄頃復至斷  
所生二子喉而去

### 烘堂

凡上堂絕言笑有不可忍雜端大笑則合坐  
皆笑謂之烘堂也

### 讀書不如寫字

張參手寫九經每言讀書不如寫字

### 烏絲欄紙

宋毫間有紙織成界道者謂之烏絲欄紙

### 彈琴知音

于頔令客彈琴其嫂知音曰三分中一分箏  
聲二分琵琶全無琴韻

### 沉沉聲

董廷蘭善爲沉聲汎聲皆琴聲也

### 博經

貞元中宋清進博經一卷強力爭勝謂之捺



類說 卷之二十一  
零假借錢帛謂之囊家什一而取謂之乞頭  
窮兵獨舞

于頔聞韋臯進奉聖樂亦撰順聖樂以進曲  
半行綴皆伏而一人舞于中幕客韋綬曰何  
用窮兵獨舞以諷頔頔為襄師暴虐人呼襄  
樣節度

功德山

韓晉公謁徑山出妻拜之乞一號徑山曰功  
德山

銀鏤王家

四姓滎陽鄭崗頭盧澤底李士門崔皆為是  
甲太原王亦四姓之匹呼為銀鏤王家喻銀  
質而金飾也

四軍紫

貞元中有四行軍自為賜紫登郎署呼為四  
軍紫

雷狀如虺

雷州春夏多雷秋冬伏地中其狀如虺人取



食之亦有雷斧雷墨可以入藥

蚊母鳥

江南有蚊母鳥夏月夜鳴吐蚊於叢葦中又有蚊樹類枇杷熟則蚊出

流桂泉

南中有泉多桂泉後乃立屋爲漢祖廟又有子胥廟其像分鬚爲五並有靈應

傷荷藕

蘓州進藕最上者爲傷荷欲長其根故傷其

葉也

後史補

桑落酒

河中有桑落坊有井每至桑落時取其寒暄得所以井水釀酒甚佳樂天詩云桑落氣薰珠翠暖柘枝聲引筦弦高號桑樂酒舊京人呼爲桑郎蓋語訛耳

判雜職

李白誠爲長葛宰一雜職犯過乃戲判曰豈



類詩 卷之二十六  
有終日執之而不知其味者乎

詩窖子

王仁俗著詩萬首謂之詩窖子亦曰千篇集  
黃居難

有舉子亂爲詩章每通名刺云鄉貢進士黃  
居難字樂地欲比白居易字樂天也又有張  
碧者業歌詩云與李白爲對

杜荀鴨

梁園有富家子杜四郎好接文士愛爲詩篇

時號杜荀鴨以比荀鶴每有詩卽題壁親賓  
或汗漫之卽云三十年來塵撲面如今始得  
一塗泥

五代史補

陶岳

文面

健兒文面自梁太祖始

楊風子

楊涉送傳國寶於太祖其子凝式諫不聽恐  
事泄卽佯狂號風子



沒了期

錢鏐封吳越國王工役大興士卒嗟怨或夜  
書府門曰沒了期沒了期脩城纔了又開池  
鏐出見之命吏書曰沒了期沒了期春衣纔  
罷又冬衣嗟怨頓息

### 十德啓

鍾傳起於商販尤重學士萬浩因擇其行事  
赫赫者十條形於啓事以投之謂之十德啓  
傳每字酬一千凡五千緡

### 牡丹詩

曹康羅隱皆有詩名隱題牡丹云若教解語  
應傾國任是無情也動人康曰此乃詠子女  
障子耳隱曰猶勝足下作鬼詩乃誦唐漢武  
帝宴西王母詩曰樹底有天春寂寂人間無  
路月茫茫豈非鬼詩唐無以對

### 浮石成仙

爾朱先生功行甚至遇異人與藥一丸若見  
浮石而後服之則仙道成矣先生如教每遇



一石必投諸水後峽上渡江有叟艤舟相待  
問其姓曰石氏問地所屬曰涪州先生豁然  
而悞遂服藥卽時輕舉

得得和尚

僧貫休入蜀上建詩曰一瓶一鉢垂垂老千  
水千山得得來建大悅賜號禪月因名爲得  
得和尚

莊宗撰詞

莊宗雅好音律凡用軍前後隊伍皆自撰詞

使揭聲而鳴唱至入於陣不問勝負馬頭纔  
轉衆樂齊舉故人忘其死亦用兵之一奇也

雀鼠耗

明宗幸倉場每石加二斗耗以備雀鼠侵蝕  
謂之雀鼠耗倉場加耗自此始

秋日晚望詩

何仲舉能詩李臯對仲舉吟其秋日晚望詩  
云樹迎高鳥歸深野雲傍斜陽過幾山乃以  
足扣地曰仲舉詩家之高逸者其餘奴兵乃



閨氣耳

一眼胡奴

徐寅獻太祖東遊大梁賦時太祖與太原武皇爲讐敵而武皇眇一目又出沙陀部落欲媚梁祖其詞云一眼胡奴望英威而膽落莊宗滅梁寅在閩中王審知戒閣者不得引接寅坐是止於秘書省正字

謝魚牋

黃滔爲王審知推官審知遺之魚徐寅代爲

謝牋曰嚼諸斷索纔從羊續懸來列在雕盤

便到馮驩食處時大稱之

用桔槔打淚不出

敬新磨河東伶人莊宗出自沙陀郡旣得天  
下左右侍衛多用蕃部子弟高鼻深目者甚  
衆新磨每譏之衆皆切齒訴於莊宗泣下莊  
宗以責新磨新磨曰此輩淚用桔槔打亦不  
出莊宗大笑

隨狀納命



李濤嘗怒張彥澤上疏請誅彥澤後契丹南  
侵至中渡橋彥澤首降先入京師乃挾宿憾  
殺開封尹桑維翰濤聞之自寫狀求見彥澤  
云上疏請殺太尉人李濤謹隨狀納命彥澤  
欣然卒善待之

### 骰子分兒女

載偃能詩自稱玄黃子馬氏有國至文昭尤  
好奢侈偃著漁父百篇以諷由是不遇凍餓  
日侵謂妻曰與汝結髮生一男一女今恐擠

於溝壑宜分兒女遯去於是舉骰子與妻約  
曰采多者得兒偃擲采少乃攜女慟別

### 月沉湘浦

石文德工詩馬文昭以其兒寢未嘗接待南  
宅王子延之門下無何彭夫人薨文昭傷悼  
文德獻挽詞有云月沉湘浦冷花謝漢宮秋  
文昭驚曰文德有如此作用吾反不如南宅  
小兒知鑒耶乃接見之

### 銀葉護井



高郁爲武穆王謀臣貪而僭常患所居三井不甚清徹乃用銀葉護井四面內外皆徧拓褻其奉過差皆此之類也

### 九州歌

歐陽彬謁湖南馬氏不得通有妓瑞卿慕其才延之於家時湖南舊管七州後加武陵岳陽爲九州瑞卿歌之武穆竟不問彬遂入蜀  
拔釘錢

趙在禮在宋州所爲不法百姓苦之一日制

下移鎮永興百姓相賀曰眼中拔却釘也可不快哉在禮聞之上表乞還鎮朝廷許之在禮每口率錢一千號爲拔釘錢遂獲有百萬竹枝盡牛背

僧齊已長沙人七歲穎悟爲大瀉山寺司牧往往抒思以竹枝盡牛背爲篇什衆僧竒之遂令出家

### 一字師

鄭谷在袁州府齊已携詩詣之有早梅詩云



前村深雪裏昨夜數枝開谷曰數枝非早也未若一枝齊已不覺投拜自是士林以谷爲一字師

### 武一谷

武行德以採樵爲業而甚有力自謂一谷之薪可以盡負鄉里號武一谷

### 劫墓賊

廖凝覽裴說經杜工部墓詩曰擬鑿孤墳破重教大雅生笑曰裴說劫墓賊耳

### 旋風偃月

李臯與弟節俱在湖南幕下爲馬氏作謝戰馬李臯曰馬有旋風之隊安得一對節曰軍有偃月之營臯乃云驟尋偃月之營擺作旋風之陣

### 水草大王

李儼爲鳳翔節度囚生辰秦鳳持禮使陋而多髯魏博使少年如美婦人魏博使戲曰今日與水草大王接席秦鳳曰夫人無多言四



座皆笑

賊頭

王仁裕乾祐初放榜二百一十四人作詩曰  
二百一十四門生春風纔長羽毛成擲金換  
作天邊貴鑿壁偷將榜上名陶尚書見詩曰  
不意王仁裕今日爲賊頭也

謬作梁山

李濤弟澣娶得婦婦拜濤濤曰愧無子建謬  
作梁山聞者絕倒

無寸道

馮道在中書舉人李導投贄見之道責導不  
避名導曰相公是無寸底道道了無所怒

遶殿雷

馮道之子能彈琵琶以皮爲弦世宗令彈深  
善之因號琵琶爲遶殿雷

鵝生四脚鶩生兩裙

僧謙光有才辨而飲酒食肉嘗云老僧無他  
願但願鵝生四脚鶩生兩裙足矣



十二時中兩度潮

閩僧契盈陪吳越王登淶波亭王喜曰三千里外一條水契盈曰十二時中兩度潮人以爲切對時兩浙貢賦自海路至青州出故云三千里

好膏藥

王建方許下不逞嘗坐事遭徒但無杖痕耳及據蜀乃袒背示從事馮涓欲自辯涓撫其背曰大奇大奇何處得此好膏藥

卷之二十六終



